



12272 ✓

夕陽書屋詩

初編



內閣奉

上諭輪進經史講義之御史程盛修所進咏史樂府十二章指事寓規詞意婉摯得獻納之意與泛論經史者不同甚屬可嘉著賞內用緞二疋筆墨二種以示嘉獎欽此



乾隆四年二月十二日



余少好有韻之言因專治舉業先

大夫禁不為詩而觸境緣情不能自

已曾以近作粘揭齋壁一 太年伯雲

蔚先生一見欣賞尚 先大夫言之

並謂其讀書學道之報將在於此余

益心喜自負嗣後遂滾滾多言矣康

子鄉薦後四上春官饑寒奔走足跡

所至莫不有詩而歲月遺忘舟車轉

徙零星散落什無二三庚戌通籍

御試保和殿受

先皇特達之知以詩見錄拔置詞垣自是習

為館課憔悴專壹之音一變而鋪張

揚厲山林臺閣更上一層矣

皇上文思御極天縱日新卿雲復旦之歌

喜起明良之詠鏗鉤炳耀標準寰區
而扈從

屬車追隨

天仗

宸章疊和倚待為難乃於

萬幾餘暇命翰林科道輪進經史以資披

覽余承乏西臺含毫入直先後所進

二

連珠集句諸體俱蒙

恩嘉納復敬做白居易李東陽擬古樂府

恭呈詠史十二章管蠡之見詎足仰

贊

高深而

天語褒嘉賞賚便蕃華袞之榮於斯已極

三十年來藏諸篋衍未敢妄希焚草

致辜殊遇茲者年已耄及舊學昏茫
平生所作詩篇不復記憶其現存者
四海交游卅年京雒人事代謝物候
推移古稀以前之詩俾見輩細加讐
校得如干首釐為四卷敬繕寫

乙覽十二章弁諸簡端以誌

國恩以垂家乘庶

三

聖天子不擇細流之意得以昭茲來許而

微臣蚓竅蛙鳴無關風雅竊附

綸音獎賞之末亦與有榮施焉至於元晏

三都序以人重向時所相知定吾文
者息壤猶存墓草已宿溯知音於地
下奏流水以何人不禁感慨係之矣

削劂將成而自書緣起如此

乾隆三十八年歲次癸巳秋九月程
盛修謹識於夕陽書屋時年八十有

一



四



Vertical text on the left side, including the number '一' at the top and faint characters below, possibly bleed-through from the reverse side of the page.

咏史樂府十二章

斷罟匡

臣按

傲非時也

魯宣公夏濫於泗淵里革斷其罟而諫公曰吾過而里革匡我是良罟也爲我得法使有司藏之師存侍曰藏罟不如置里革於側之不忘也

泗淵漁里革匡斷其罟悟君王君王聞言三歎息阜物防貪良史職有司藏之無忘規庶幾見罟如見革師存一言婉而風置革於側無面從不見朝聽忠言夕委棄留衣留檻皆虛僞前漢皇後宋帝

市價對

臣按

過淫刑也

齊晏嬰宅近市公曰子近市識貴賤乎於是景公繫於刑有粥踊者故對曰踊貴屨賤公爲是省於刑

臣近市識貴賤我后知不知胡不採衢諺臨淄十萬生齒多家家粥踊可奈何踊之價浮於屨不噢咻誰歌舞仁人一言省於刑頓教億兆無詛聲修德更不誅祝史海岱千秋思晏子

辟戟諍

臣按

裁近倖也

漢武帝置酒宣室使謁者引內賣珠兒董偃東方朔辟戟而前曰陛下方積思六經而偃以靡麗奢侈極耳目之欲宣室者先帝之正處也非法度之政不得入焉上曰善

東方生能直諫守法度黜靡曼何物賣珠兒敢容宣室宴辟戟陳詞意氣雄侃侃尚有先臣風不見申屠嘉坐丞相府執法猶能困鄧通

乘船戒

臣按勸持重也

漢元帝欲御樓船薛廣德頓首曰宜從橋上不悅

二

張猛進曰臣聞主聖臣直乘船危從橋安聖主不乘危大夫言可聽帝曰曉人不當如是耶乃從橋

從橋安乘船危千金之子坐不垂莫躓於山躓於埳舉步何必非嶮巖曉人言真可聽君不驕臣不佞霸陵西馳騁六飛諫草能教馬首迴

撤屏悟

臣按防色荒也

漢光武帝御座新施屏風畫列女帝數顧視之宋宏燕見正容言曰未見好德如好色者上即爲撤

之

屏風新畫美人美人顏色傾國姿君王顧之
情爲移情可移即可誤賢臣獻規君頓悟不
見精勤納諫唐太宗不畫蛾眉書奏疏

侍宴規

臣按

抑華侈也

唐諫議大夫蘇世長常侍宴披香殿酒酣謂唐主
曰此殿煬帝之所爲耶唐主曰卿諫似直而實多
詐豈不知此殿朕之所爲乎對曰臣實不知但見
華侈如傾宮鹿臺非興王之所爲耳唐主深然之
披香殿是隋是唐臣莫辨臣雖似詐其實忠
不聞興主營離宮露臺百金儉德崇

從獵諷

臣按

止游畋也

三

唐諫議大夫谷那律嘗從出獵在途遇雨太宗因
問曰雨衣若何得不漏對曰能以瓦爲之必不漏
矣帝爲之罷獵

雨衣則漏瓦不漏諫議微詞規乃后罷獵從
茲慎馳驟禽荒垂戒古今同拒關不納羸馬
供漢門候魏筆公

佳鷹表

臣按

杜徵求也

唐太宗遣使至涼州都督李大亮有佳鷹使者諷
使獻之大亮密表曰陛下久絕畋游而使使者求鷹

若陛下之意深乖昔旨如其自擅乃是使非其人
上悅手詔褒美賜以荀悅漢紀

涼州鷹使者諷之獻王廷王者久不貴異物
今日何與昔旨拂君無荒臣有表悉索徵求
慎微小旅葵入貢載周書世間玩好無時無

宮體箴

臣按 黜浮靡也

唐太宗常作宮體詩虞世南曰聖作雖工體非雅
正臣恐此詩一傳天下風靡不敢奉詔帝曰朕試
卿耳

宮體詩廟堂首倡瓊琚詞詞雖綺麗體不正

四

天下靡然歌咏之朕試卿卿果諫同時尚有
王師旦翠微宮頌不入選

用筆喻

臣按 端心術也

唐柳公權爲司封員外穆宗政暇常問公權筆如
何則盡善對曰用筆在心心正則筆正上改容知
其以筆諫也

用筆在心不在筆結密矜莊露神骨司封員
外侍書來片言足使君心一萬幾操縱總心
生落筆端人正士形平原太守顏真卿

觀燈諫

臣按 陳民瘼也

宋太宗以上元御乾元樓觀燈賜宴見京師繁盛諭近臣曰朕躬覽庶政萬事麓理每念上天之貺致此繁盛呂蒙正避席曰乘輿所在士庶走集故繁盛如此臣嘗見都城外不數里饑寒者甚衆願陛下親近以及遠蒼生之福也

乾元樓矚神京樂熙壤慶太平太平有象張燈宴君樂須教民樂遍焉得綺羅筵前千萬燈照見九州蔀屋鵠鳩形

三司告

臣按慮盛滿也

宋真宗初即位陳恕久領三司常命條具中外錢

五

穀恕久不進屢詔趣之恕對曰陛下富於春秋若知府庫充實恐生侈心是以不敢進也帝嘉之

領三司掌錢穀胡爲不入君王目春秋鼎盛府庫餘豐亨豫大非良圖不見朝無先識李太初祥符中葉進天書

進

御史臣程盛修恭

諫院紀恩詩

勲華天子垂裳日

特許昌言達

九霄

聖德豈猶資土壤

謙衷端不廢芻蕘細旃廣厦憂危切側席翹心法

戒昭染翰各能抒底蘊一時懽怍慶同朝

奏牘由來喜吉祥諛言不進感吾

皇四方水旱陳

丹陛萬姓恫瘝入皂囊已為時艱彌罅漏更於古

六

訓見羹牆殷勤問學儒臣事誰道

生知亦就將

百結寧堪綴

袞龍轉教聾蹟警洪鐘

王言溥博施無倦

聖度包荒大有容

諸臣進奏有識憂拘墟者必對訓示紕繆者亦曲賜優前席中宵傳漢帝更番迭直紀唐宗何

容如簪筆論思日

指授親承到

九重

朝擎封事候雞人敢冀葵衷動

紫宸

華袞榮褒傳上相

時桐城錢塘兩相國傳旨嘉獎

文章

光價播詞臣

詩交南書房

絲分銀漢

天家錦紙落烟雲

內府珍半世耽吟空抱槧今番溫渥被

皇仁

御史

臣

程盛修恭紀



夕陽書屋詩初編總目

第一卷

古今體詩一百五十六首

第二卷

古今體詩一百十六首

第三卷

古今體詩一百四十二首

第四卷

古今體詩一百四十一首

總目

男選青

原名

編次

嗣湘

孫應軫

校字

應鐘

古今體詩一百十六首

第一卷

古今體詩一百五十六首

第一卷

古今體詩一百四十二首

夕陽書屋詩初編卷一

海陽程盛修 風沂

勵志詩

鬢鬢事詩書忽焉年二十青紫荒於嬉誰云芥可
拾堂上有師資無煩遠負笈大母憐余甞恐難冀
成立當其吟諷苦吞聲潛飲泣令伯彼何人報劉
心汲汲

我家本賤貧二頃無負郭七十尚舌耕嗷嗷八口
託况非大有年顆粒同珍錯未得負米歸能使二
老樂仍復累高堂方免餐藜藿何以報劬勞精勤

夕陽書屋詩初編卷一

究墳索

連歲賓興盛

癸巳特開
甲午又正科也

恩科發劓於有司有司

非文人嗜好恐差池杜老大父行

海樹先生

一見欣賞

之謂當冠羣英洵美無溢詞不意千薪積位置一

何卑再拜愧知已還須努力為

梧下草堂短歌

朱藹圃先生別業
丙有次彤山又階六侍家大

父讀書
於此

碧梧翠竹三間屋聊借一枝成小築素心研席兩
三人綠陰深處展書讀書中甘苦有誰知勸君須
惜少年時旁搜遠紹日孳孳

草堂自昔聲名久，騷雅津津播人口。居停結契多
老蒼，弄月吟風杯在手。昨來撰杖過花蹊，徑曲廊
空咫尺迷墨痕。猶認壁間題

祖德清芬世所聞，湛深經術發高文。卅年伯樂空
羣目，幾曾健骨摩青雲。我輩逢時須及早，籽柚予
懷花樣好他山。攻錯勤沿討

侍家大父之金陵

時送余秋試

老入賓興路

公戊子六十九歲尚赴鄉闈

秋風白下門艱難方

念祖積累又貽孫，廿載慳除目三條。捫淚痕親朋
思往事，疊疊話晨昏

夕陽書屋詩初編卷一

二

傲寓東花園，即舊院故址也。居人爲言平康
軼事，娓娓可聽，感而書此

簫聲吹世換，何處有妖嬈。品藻空名士，烟花賸板
橋。秋聲來戶牖，山色上疎寮。指點章臺柳，依稀見
舞腰

聽罷深宵話，翩躚帽影斜。侯王重聲價，戚里遜繁
華。泥飲三通鼓，尋芳滿路花。樗蒲輕十萬，放誕是
生涯

望鍾山

山勢鬱龍盤，憑欄注眼看。倚天分積翠，映日作流

丹事起倒懸易功成徒步難不須悲異代松柏尚
九九

常近辰州司馬官署絕糧以詩見示賦此荅

之

古人貧乃賀君更酷於貧止客曾留宿何門可告
困對囊花有艷宋人句朝饑曾對米囊花搯枕夢無因種種都
成幻奚從辨假真

空洞原無物行厨早寂然漸看膚革改翻被斗筲
憐兒課聲難繼奴磨趾不前任他驅與乞肯受俗
情牽

夕陽書屋詩初編卷一

三

問價頭頻掉妻孥一笑譁平生不在飽公事已忘
家便腹五經笥撐腸七碗茶由來風雅輩冷淡是
生涯

胥鈔何太急傳誦絕糧詩居比長安易官非博士
卑晷移偏訝早衙放不嫌遲予亦同茲病抒懷愧
好辭

讀陋軒詩

誰從濱海識先生前惟大梁後新城其初痂嗜有
汪子拜郊鑄島無溢情先生詩格淡孤清大旨不
外和且平生值亂離明社屋隄崩堰決陵谷傾辛

苦墊隘不遑處叫囂腹突無時停杜老傷懷石壕
吏漫叟觸目春陵行無病而呻豈得已欲使採風
動色戒油然悱惻蘇編氓此皆關係大手筆其他
陶寫抒性靈殘山剩水思無極細柳新蒲情不勝
苦調纏綿厯骨月浩歌沉痛呼友朋耳食紛紛說
枯槁又言噍殺難爲聽其人其詩兩清絕平心易
氣吾服膺同時健者孫焦獲慷慨激越多秦聲雖
與先生各派別布衣旗鼓鏗錚鳴會須刪去酬應
作獨標古樸留粹精揭以二人詩不朽聲希味淡
鏗咸韻

此余五十年前舊願也嗟跼歲
月未及成編書此以誌吾愧

夕陽書屋詩編卷一

四

僧房并蒂蘭爲鼠所殘戲步家孝常韻

僧房乍喜茁芳叢一夕摧殘逐曉風天意莫教完
兩美世情難保見全終鼠腸自合貪無饜佛眼由
來色是空安得王家磁斗貯駢枝並萼伴詩翁

贈汪履岩

一年淘上客同調有汪倫地是魚鹽地人爲澹蕩
人聰詩憐瘦影話兩樂閒身攜得書千卷相從共

討論

常近辰州司馬招同顧丈湘靈陳丈老香田

兄輪長過光孝寺魯菴上人茶話

亂篁堆裏梵王宮

近辰句

拓得蕭閑恰幾弓車馬無

喧心自遠茶瓜有約句曾通

魯菴先以詩訂

文章早得按

天手

謂陳顧諸君

山水難成縮地功

魯菴極言新安山水之勝

移晷

劇談真解脫他時認取虎溪同

晚過鴻可菴同吳石諧顧東木汪履岩分韻

限山房二字

年來羈斥鹵即此是深山敗屋疎林外孤亭落照

間有緣依梵唄隨意弄潺湲借此數弓地來偷半

晌閑

畧約沿溪轉幽花出短牆鳥歸初月上樹倚晚風

名陽書屋詩初編卷一

五

涼客本非萍合詩能引興長茶瓜留憩處莫忘已

公房

送余志亭之宣城

長江烟月澹朦朧萬頃波濤湧碧空前路孤帆秋

色裏鄉心隔岸鳥聲中磯懷供奉嵐光綠樓憶元

暉落照紅未得與君共酬唱海濱遙企思無窮

積雨初霽同余志亭丙肩自東淘至吳陵

百里路頻經鄉思不杳冥帆停三日雨篙亂一溪

星眼底來空濶閑中任醉醒印須差足慰不必歎

飄零

讀史雜咏

幼侍家塾治經之暇汎覽諸史更闌漏永披閱不休興之所至輒有勝達道漢書下酒之意先大父喜而不禁也間有一得形諸歌咏管蠡之見未足上下千古而追維往事家庭文字之樂如在目前不忍割棄爰撮而存之天下紛紛說暴秦幾曾制度不遵循若非一着阮儒失早有扶蘇繼體人才傑何妨出狗屠鴻門禍福轉須臾更看排闥回天日試問蕭韓到得無

夕陽書屋詩初編卷一

六

破產千金報祖龍潛身博浪適相逢當年若使君讐復不待功成訪赤松

四皓何能奠國基留侯設計判安危漢高早入牢籠內一點機關野雉知

亭長歌風黷自悲誅鋤猛士婦人爲淮陰鐘室梁王醢未許隄防到赤眉

誓御方將肆倚憑申屠剛正足稱能周官冢宰司宮禁漢制何嘗不稟承

平津等輩總浮沉畫室惓惓寄托深社稷臣曾知

汲黯分明鑒別一般心

糴糠不替歲寒盟一語能深故劔情那識劉郎偏
見慣麗華早已稱平生
三分成算定隆中子敬英雄所見同熊虎已殲龍
又去幾多遺恨在江東

生子陳思並五官建安風格富波瀾千秋莽卓羞
同傳贏得騷壇置阿瞞

王謝門高不可當吳翁真个薄心腸老來顛倒緣
何事薦枕還教奉溧陽
戎馬中原競鼓鏡天光分曜可憐宵過江人物多
名士博得風流號六朝

夕陽書屋詩初編卷二

七

隋家海宇似瓜分夏主規模迥不羣未得比肩逐
褒鄂轉同蕭銑哭紛紛

稻米三錢刑措臻書生猶自掉譏唇三千四百香
山句今古何曾有二人

燕婉承恩雨露濃莊言格主荷包容詔書立罷肩
輿出前有唐宗後宋宗

紛紛牛李快恩讐黨禍中朝怨未休畢竟太牢無
見識至今人尚惜維州

元白風騷品格奇連昌長恨太離披廟堂不准微

詞例只作臣工諷諭詩

花木詩家劇有情難於天子重詩名永豐園內雙
株柳也被恩榮入禁城
藝祖心如門洞開降王歸命不疑猜東風那與新
朝事遂爾牽機藥早來

西祀東封誕謾餘披緇遺命待何如赤松且未知
名字泉下先慚李太初

司馬中朝有大名兩宮倚重四夷驚猶輸一着知
人鑒前失荆王後蔡京

仁廟臨軒得宰相裕陵撫卷歎奇才兩朝知遇空
千載消息都從聖母來

名陽書屋詩初編卷一

八

蘇黃妙蹟比瓊瑛黨錮無端玷姓名一自宣和搜
墨寶轉教韻事屬師成

南渡將才推第一魏公誤國有誰知當年若遂中
興志那見秦頭跋扈時

氣節崢嶸義憤深揭竿鳴鼓勢浸淫成均不起膺
滂獄合得千秋報禮心

蹈海成仁國事危君臣岌岌淚交垂辦香閩洛終
何用尚爾敷陳大學爲

師保疑丞大有才高僧分侍起嫌疑自從病虎叅
帷幄一片降幡燕子來

漢相起家二千石開元枚卜憶河東明代紛紛尚
資格只於詞館覓紗籠

閩外將軍擁燹時縱橫進退識機宜監軍久矣成
疣贅况爾文臣節制之

三百年間一代才文經武緯幕庭開誰非謠詠生
前枉纔得恩綸身後來

金陵舟次夢先王父母歡笑如平生醒而書

此不知涕泗之霑頤也

秋宵又上秣陵船翁媪神來枕席邊一夕夢魂雖
偶爾此番歡笑豈徒然銀河光滿三千界鷹隼風

夕陽書屋詩初編卷一

九

高八月天但願成名酬罔極泥金早到二親前

渡揚子

以題字爲韻同余志亭丙
肩汪履岩家孝常德心

擊楫當中流風正一葦渡舟子狎波濤指點潮生
處蕭寺遠鐘微餘音繞江樹三至秣陵城抱璞誰
與訴浩氣發長歌懼觸馮夷怒

茲行雖倦返懷古情飛揚四百八十寺未得聞其
詳游屐所到處俯仰增慨慷盈盈襟帶間坐閱幾
興亡惟有六朝山千載鬱蒼蒼

漁舟停晚照欸乃秋風裏江飛白練光一線千餘
里對此浩茫茫詩思從茲起汪吳有高唱

汪悔人
吳野人

兩先生俱以此題限韻
清映中冷水大雅誰嗣音惟余二三子

明故宮

廢宮寥落可憐生接跡駢肩輦道行四海車書崇

正朔百年禾黍剩陪京竭來金碧淒涼色

民間多以宮瓦

覆屋到處箏琶慷慨聲不信雲中雙闕迴牛羊雞犬

浩縱橫

淮右英雄起布衣並驅亭長是耶非也知信越無

生理誰道良平有殺機文字煩苛操已感政刑酷

烈聖之威

張江陵語

祇今陵廟蕭蕭日那復精靈式九

夕陽書屋詩初編卷一

十

圍

金甌無缺付伊誰大統傳孫四海推仁懦只知存

叔父雄猜空自哭癡兒遜荒萬里歸疑案涎鼎千

秋少恕辭天壽山前燈燼滅幾曾寂寞不同悲

紛紛南渡事倉皇不似人君一福王司馬漫教陳

法曲容臺猶自議椒房未聞幕府師三捷終欠新

亭泣數行一自聖朝申弔伐從茲江介奠金湯

九月十二日北郭泛舟同余志亭汪履岩圍

冠霞余即於舟中聞捷

豈是秋風瑁操回推篷邀月一徘徊慣攜斗酒名

心澹纔擘雙螯笑口開落帽颼颼驚節侯藏鈎覩
觀互喧虺是夕劇飲極歡不須街吏傳宵鼓早有長鬚送
喜來

贈陸渭綸

書劒飄零到海陲居人來往似鮫師千村月白潮
生候萬竈烟青日落時王粲登樓憶鄉土陶公乞
食拙言辭離懷對爾添悵觸莫任當歌酒殘遲

捷後呈杜海樹先生

一曲菱歌最賞音今番消息到泥金門前賀者知
多少難得先生待旦心先生居隔城闌更餘聞捷坐以待旦

夕陽書屋詩初編卷一

十一

輓團雲蔚先生

曠懷詩酒復何求四海論文勝流謂是狂生張

廣武想來奇士韓荊州先生自題像贊述丹徒長洲兩公語聰明間

出捫壑白光燄猶存薄斗牛謬荷提擻兼品藻幾

曾玉立擅詞頭先生寄先大父詩有文孫玉立擅詞頭之句

記從耆社厠觥籌吐屬親承歲幾週古屋蒼烟仍

北郭小橋流水亦西州中年遯跡緣天放先生自署天放

人晚節依人作遠遊一脉姚江惟二老瓣香還擬

續前修先生與先大父俱宗法良知之學

北上寫懷

已分生涯老澗阿公車隨計赴雙贏世途跋躓從
今始王路馳驅向後多風景踰淮都莽蒼時光入
此失暄和隻雞斗酒家家足喜得新年一醉歌

淮陰侯廟

寄食一竿同渭水登壇數語匹隆中矜心早啟王
齊覺雄畧終成盪楚功遷史曲詞誣畔逆鄼侯譎
計賺英雄誰知芒碭銷沉日依舊淮陰廟貌崇

漂母祠

王孫饑欲死誰與惜途窮自此風雲會先於婦媪
中黃金曾報飯赤帝竟藏弓祠廟還相望英雄涕

夕陽書屋詩初編卷一

十一

泗同

庚子紅花埠除夕同查言思唐義村田起莘
蔡中鄰伍鯤扶吳又枚陳定先

此夕論交始他鄉以類從諸公多慣戰而我試初
鋒歲月堂堂去盤飧草草供何須耿不寐酣聽五
更鐘

元旦大雪早行

萬井同雲布侵晨雪滿羈白方迷楚甸青未破齊
烟各有爭先願翻成殿後緣

適以馬蹶阻行

陽和知不遠

剛喜入新年

傾蓋亭

解后相逢蓋已傾賦詩言志古人情緣何附會清
揚句反把先生塑後生

東帛殷勤贈荅新金蘭千古出風塵誰知伊洛開
先手早接尼山一脉真

泰安道中值張匠門先生視學貴州展謁一

首

江左聲名卅載餘皇華使節望風初懷中漫刺通
名姓眼底高山接起居文柄更番萬里路公前此
典試四

川郵籤典重五車書公隨行載
書極富及瓜再踐登龍約

夕陽書屋詩初編卷

十三

樽酒相從願不虛

石門

附會紛紛到魯論幾曾瀛海共淵源晨門自是同

鄉曲喜仲來時接話言石門係
魯城門

趙北口

燕南趙北此經過蠡舍漁村畧約多三十六陂春
水潤恍疑清夢到烟蘿

景州

廣川經術重江都此地英靈產大儒三策天人真
不朽何須艷說到浮圖俗傳景
州塔

出北關景州師里第也仰止清風慨然成咏
侵晨驅馬北城隈滿眼蓬蒿一徑開千古萊公休
獨步也曾無地起樓臺

商家林晤魯亮儕同年

萍水非同越與秦倍年聲望締交新虎頭燕領名
家子破帽青衫我輩人禦侮幾曾知博士恩縣遇
盜君驚

覺手擒二
人餘逸去過征仍不廢佳辰

是夕上元君設席
旅館邀請同輩金

臺前路無多日喜借停驂一討論

慈仁寺

時儻居
於此

舊刹慈仁寺靈光剝古松門前衝九達閣上擁諸

夕陽書屋詩初編卷一

十四

峯

昆盧閣望
西山逼真

客有軫寮便僧無蔬筍供日中逢朔

望車馬競過從

廟市口占

囊中百貨萃京都徑尺珊瑚徑寸珠油壁青驄爭

顧盼朝來忙殺婦當壚

豐貂狐白劇輕柔罌子三英擁道周爲語 聖朝

崇儉德尚方不進雉頭裘

天桃郁李杏花天煖窖薰籠自隔年纔得一枝傾

國色豪家不惜買千錢

勝朝密器數宣成鈞定柴哥次第名芳草鬪雞曾

見否黃縹紺碧一時傾

新城祕冊愛畋漁朝退曾聞命小車此日風流誰
嗣響慈仁廊下覓尚書

賡畫紛紛壓市頭品題何處有商邱青天白日無
明眼試問深宵嗅得不

海淀謁座主魏景州先生爲言拙卷謄寫模
糊字句差謬本房已經擯棄乃於落卷中
搜剔得之感賦一首

燭影三條劇苦辛何當悞卻易書人烏焉莫辨辭
多舛句讀難分篇未勻夔底賞音方有托囊中脫

夕陽書屋詩初編卷一

五

穎豈無因停杯歛歛聞師語回首秋風一愴神

鳴榔曲同團冠霞

漁舟一葉依蒲葦鳴榔聲聲出寒水寒水清清魚
泳游捕得鰈鱈與鱸鯉漁翁得魚笑口譁今宵有
酒莫教賒呼兒共飲待明月陶然一醉宿蘆花

送翼山歸里

暫卸驢三紙蕭然襍被回秋風揚子渡明月富春
臺水氣寒生舫嵐光翠入杯追歡知幾日消息畏
人催

涼颼吹短褐蕭槭起秋林楓冷吳江雨霜濃越女

簪此間生妙悟誰足伴高吟兩地相思切離愁幾
許深

秋日過雲谿山房用壁間韻同田輪長汪履
岩團冠霞僧巨潭笠隱賦

閑倚禪關愛晚晴到來愁思若爲輕樹頭三匝鳥
聲碎門外一灣秋水橫座鞅刪餘無罣礙性天徹
後認生平歸途尚爾吟情健又向水輪湧處行

漁壯園感舊同顧丈湘靈次田輪長韻

紅牙女部壓揚州金谷當年紀勝游不道繁華銷
歇後鴉聲噪起夕陽愁

夕陽書屋詩初編卷一

十六

檀板金尊總寂然桃花空放艷陽天多情惟有潺
湲水流出當時舊管弦

珍珍楊柳拂溪橋想像粧臺舊舞腰寶鑿金鈿無

故物鍾情空自憶垂髫予十二歲曾隨家
大父畧畧觀其盛

一曲紅綃下錦機豪華不藉夏侯衣白頭賸有蕭
娘在猶說風流杜紫薇

朱欄碧檻變桑田不見花明景色鮮此處銷魂君

記否綠湯影裏出鞦韆

姻好圖

宛是朱陳嫁娶圖望衡對宇足懽娛百年姻好情

何極試問丹青畫得無

白石清泉位置宜松姿梅韻總清奇
兩家兒女猜疑甚笑指圖中是阿誰

江行雜咏

宿
細雨打春帆山青入姑孰本是太平民
穩傍空江

采石望中來仙風杳何極蕭郎四壁山
烟霞照顏色

去
片石倚蠓磯悔卻歸吳誤白帝此江聲
恨逐寒潮

夕陽書屋詩初編卷一

七

山
朝來迎爽氣徙倚蓬窗間蒼翠落杯底
點點皖公

鼓
歸去陶彭澤高風足千古江上聲逢逢
不絕官船

濕
絲竹悄無聲荻花風習習我亦淪落人
青衫何處

夢
鄱陽古戰場羣雄日交闕一葉臥書生
那有封侯

水
滕閣綺筵開風帆送童子文字足長年
不盡章江

風利難成泊談笑失黃州明月簫聲裏不爲髯翁
留
飛來雙槳急傳到故人書相逢知不遠已食武昌
魚

襄船歌

爲商須辦課駕船須裝鹽裝鹽利息相子母不數
二項洛陽田朝向商門免白鏹大錠纏腰三百兩
霎時牲醴酌神靈兒女團圞笑熙攘儼然高踞稱
家公問奴問婢學癡聾驅使更有傭工輩奔走邪
許霜雪中溫飽由來滋蕩佚男不知耕婦不織况
復生長魚稻鄉暮暮朝朝思肉食倉中更挈鹽幾
許沿路私將易禾黍梨栗擎來悅幼兒布帛持歸
娛嬌女世事顛倒良可嗟海濱窮竈天之涯短褐
單衣咽蒲稗夜夜潮回掃浪花

蠟磯孫夫人祠

江頭日落聞津鼓石色峻嶒月吞吐我來不暇問
蛟宮把盞臨風酌郡主當年青史漫傳誣以詞害
意多錯迕生來本是將帥家爾父如狼兄如虎侍
婢環刀亦可人不屑規規畫眉嫵中山大耳真英
雄公路景升不足數髀肉悲涼鼎峙心出入凜凜

皆妄語聞之適人自從夫此義綱常燦千古拊姑
於廟理所斬狄梁公語變生肘腋將奚補一朝龍去永
安宮慷慨捐生赴江澣蟻磯便是望夫山精魂早
過劉郎浦青蓋俄傳入洛陽一片降幡歸典午蜀
伎方將笑安樂吳歌又見相爾汝彼狡童兮將無
同不盡濤聲咽酸楚夫人猶與漢始終香骨空山
獨堵并眼底蕭蕭大帝陵不見行人奠椒醑

江行阻風

五日江頭住方知行路艱鐘彭澤縣遠火小孤
山吟唱危檣底眠餐駭浪間鄰舟申欵曲聊得一

開顏

聞警

慕容橫江上傳來信恐誣周防無短劍慰藉只長
鬚博士詩名忝王孫旅橐孤淒涼形影外行矣慎
前途

琵琶亭

楓荻一亭秋滔滔九派流入傳白司馬地弔古江
州牛李中朝黨琵琶夜月舟他年吳越守曾記此
淹留

舟過黃州將展謁蘇文忠公祠以風利不得

泊悵然賦此以志嚮往

不信天生宰相才黃州安置胡爲哉我來弔古思
彷彿咫尺不至神徘徊江山風月誰爲主二賦踰
躑爲起舞於今仰之若神仙惇耶亶耶賤如土從
來素位足徜徉筍香魚美樂無央他年飽喫惠州
飯回首齊安是故鄉

甘寧廟前神鴉歌

江風如箭吹帆急神鴉飛向檣頭立精靈競說甘
將軍崩濤彷彿聞呼吸將軍擇主事東吳黃祖由
來不丈夫已見頭顱函夏口更教破膽走濡須千
秋廟貌人瞻拜流水青山鴉世界縱金擊鼓酬牲
牢餘瀝紛綸手口快愛屋及烏將無同翩然飲啄
夕陽中不借上林全樹宿吁嗟烏亦知英雄

入楚

點檢郵籤兩月餘山川雄濶眺來初斜風細雨忘
朝夕雲影天光接起居村市日中多吉貝估歌江
上半林於太平景物人能說堠上兵閒網得魚

癸卯正月二十五日從湖口至江西渡鄱陽

湖順風大作瞬息至吳城時當昏黑風狂

水駛殊有戒心偶憶坡公有賦命窮薄輕

江潭之句輒和其韻

上鐘下鐘聲兢兢擔簦有客來淮南今番買得湖
口棹舟人僕子無兩三一葉春寒宵氣冽跼蹐無
異僵眠蠶非仕非商何僕僕蒼茫對此心生慚
砢但覺濤盈耳晦黑不見月滿潭頃刻箭往如赴
敵蒲帆十幅飽且酣匡山鞋山鞋山警眼過千里江陵
非侈談我生性情本迂濶清風明月僧同龕親衰
不敢背鄉井晨飴夕膳菽水甘一旦饑驅行遠役
過都歷塊寧非貪風水幸獲安且吉深險終非素
所堪會須二頃謀負郭山腰水曲營茆菴

夕陽書屋詩初編卷一

三

南昌謁王文成公祠

道統淵源接文章體格適指揮成將畧談笑失奸
謀弱冠登朝日權璫枋國秋獨能伸氣節豈是快
恩讐拜杖雲霄上投荒遠惡州詩書馴獷悍忠信
格渠首習事幾迎刃扶危借運籌跳踉爭擁凜仁
孝謾推攸邦政洵知己儒官總壯猶金甌方藉手
簧鼓復當頭鎮靜銷羣愠包容泯衆咻新綸申帶
礪舊伐列公侯再靖萑苻警旋紆廟社憂攻心平
反覆不戰協剛柔細柳功無訾威寧夢已酬忌深
停贈賻論定慰松楸競說勲名盛誰知學術優煩

言空嘖嘖浮議付悠悠閩洛無殊軌身心不外求
紹庭追往訓講席緬前修齋祓瞻祠廟辦香識魯
鄒朝宗欣有路江水際天流

滕王閣

畫棟珠簾跡久荒誰將不朽閱興亡朝中釁已萌
雞鬪江上風猶送馬當自是憐才歸造物從茲弔
古有文章憑欄不盡登臨意孤鶩寒潮又夕陽

項百原招遊北蘭寺

北蘭佳寺冠南州曾向綿津句裏收老衲風流傳
澹雪中丞吟嘯對江鷗堂開疊嶂烟霞古路轉秋

夕陽書屋詩初編卷一

三

屏竹樹幽安得常來同說餅

是日山僧見餉

西山一帶翠

光浮

輓杜海樹先生

兩占科名第九人行家花樣一番新

公闡墨新異紙貴一時

獨開文運速遭後迭見春風爛熳辰

吾鄉癸丑後直至庚辰先

生始捷南宮而癸未丙戌巳丑相繼聯魁不絕

車笠不忘存古意

先王父極稱莫

逆歸田後

齒牙猶復藉餘論

予幼時荷公賞識

年

來問字頻攜酒回首揚亭倍愴神

誰是中流勇退身肯教手板滯風塵論文以外無

旁好

以公解細後著有斗室閒吟

造士於今少替人

偃室終朝停杖履州牧魏長麓先生公會榜同年也蒞任十餘載引嫌自愛不輕
造陶家三徑有松筠騎箕化鶴傷凋謝不獨羊曇
淚滿巾

閱南唐書東韓似鯉

易名千古典攸隆得謚爲文報亦豐一自南朝盛
推許君家傳有兩文公

八代文章重斗山寡髯豐下是真顏緣何戍削鬣
鬣者竄入昌黎畫像間

甲辰仲春得子張海房袁肩山家東野禊亭

諸先生以詩見賀賦此志謝

夕陽書屋詩初編卷一

三

昨朝初喜泣惶惶三十占熊夢始成但願之無傳
慧業敢將愚蠢卜公卿交情幾輩來湯餅祖德重
泉有芼羹是日告先王父母几筵待得與君拜牀下看他犀
角可豐盈

張海房太史納姬揚州家東野先生亦有見

獵之喜小阮禊亭以詩見導有白髮春思

寄小星之句戲用爲題得詩二首即博海

房東野一笑

白髮春思寄小星每逢佳麗一消停晚來逐隊心
猶熱老去尋花眼獨青玉鏡臺前窺隱隱銷金帳

底語惺惺鍾情大有王昌在望斷香閨隔杳冥
白髮春思寄小星劉郎前度惜娉婷短轅倘不唾
王尊長爪何妨伴蔡經謾說橫陳同嚼蠟那須繁
衍說添丁君已舉十子子矣風懷早被仲容識打槩迎來
句有靈

陳玉几寄到項澹齋所刻黃儀逋遺詩賦荅

狂者黃儀逋才名三十年一樓書早讀

君寓山西武人家數

載不下樓將所藏書讀遍

萬事酒能捐淨靈無懷侶淒涼有道

阡詩篇真矯矯說項得流傳

管夫人畫竹

吳興天聖寺

夕陽書屋詩初編卷一

十四

仲姬風篠數枝存繞壁巡廊認墨痕五百年間清

節永肯教羊馬恩王孫

承旨有羊馬畫冊

簞簞墨派自湖州柔腕重看蒼翠浮曙茗抽書傳

韻事趙家夫婦總風流

用趙明誠李易安事

續榜

陌上馬蹄驕東風郎君笑逐春花紅詔書惻怛收
放逸盛事驚倒瑁璫翁同時召見天顏喜前茅後
勁誰汗隆蓬萊峯高瀛海濶詞臣聲價光熊熊六
曹畫諾差不惡五斗折腰誰爲窮官職時來則爲
耳高卑細大總至公從來造物有盈絀生才不偶

命不同或者飄茵或墜溷咫尺不辨晉與豐我輩
計偕值堯舜不敢菲薄安村農歸而求之有餘力
文史跌宕富於冬三年再渡桑乾水堂堂獻賦明
光宮下第之人或上第眼底椰榆皆妄庸吁嗟乎
眼底椰榆皆妄庸馬周失路逆旅中誰能賤日知
英雄

丁未春闈紀事

歸餘逢閏歲凜冽感 楓宸雪大花如掌光寒月
在身時多忙舉子路有早行人最好是三月同歸
浩蕩春 展限

夕陽書屋詩初編卷一

五

三年來矮屋入夜更淒然薄冷旋披氅奇温已得
棉不須拳鶴脰正可覆鳶肩高臥腹成稿還如大
被眠 棉氅

大官真忝竊羅列曉風前乳足浮冰椀芽堪煮玉
泉 水自西
山運至 香生輪郭外膏浹齒牙邊贏得鑪鐺好

方知主德便 茶餅

下第增顏色 君王有賜金舟車千里淚寒峻五

更心家遠歸能卜奴歡語不侵開囊露 聖澤濡

筆紀高深 歸串

與宋介三夜話

君諱和歛人工古文詞老於
京師余丁未被放相遇於逆

旅一見莫逆決將來必登仕籍
宦途平安面上皆吉祥善氣也

莫從相法判榮枯爭道先生所見殊謏劣無心求
利達拘牽入世恐疎虞萬全未必皆三窟一跌何
曾不九衢叅透此中消息好寧須唐舉問前途

挑選後同人紛紛就道余亦將歸維揚詩以
志別兼送啟行

幾度長安花信迷今番話別帝城西河陽自有新
桃李不羨香風散馬蹄

玉河三百氣如虹黃瓦門前車闕風先後承恩同
拜手眼前誰與定雌雄

夕陽書屋詩初編卷一

三

情盡橋邊折柳枝行人南北劇相思待余卷甲重
來日認取升堂打鼓時

邯鄲道中

世事昏昏如夢境誰歟醒者有盧生神仙作幻原
非幻富貴將成可是成而我飄萍來送郡憑誰濁
酒與彈箏但須悟徹升沉理自可相忘太上情

湯陰謁岳忠武廟

川岳鍾靈早荷戈下車瞻拜恨如何中興將帥年
方少恢復疆圉功獨多浙臉含羞願臣僕秦頭壓
日感山河臨安一樣傷心地祠墓悲風起浩歌

鄴下

文采風流佳子弟衣冠人物盡從戎建安一代成
高格鄴郡千秋拜下風可久由來非富貴賞音何
必不奸雄任他霸業銷沉盡總在曹瞞智數中

汴京有感

東京宋室帝王州禮樂衣冠比戶稠一代夢華傳
孟老千秋樂府說樊樓珊瑚寶玦當年恨絲管清
商故國秋河決兵荒傾世界不教元海早梟頭
汴城貢院後有巨石壁立高三丈許瑩白光

潔詢知爲良嶽舊物也慨然書此

夕陽書屋詩習卷一

三

一拳京勛說宣和五百年間感逝波帶雨和烟經
歲月捫蘿剔蘚與摩挲傷心南渡風流盡回首中
原淪落多聞道銅仙曾淚下呼來不點竟如何

過滁州

詩人誰不羨滁州句有韋郎記有歐更向清流高
處望青山紅樹酒家樓

嵐光翠壓馬頭青酒冽泉香可暫停到此勞勞成
底事卅年空憶醉翁亭

田輪長座上讀顧湘靈先生歲貢詩慷慨悲

歌出以諧詭酒酣耳熱不覺唾壺之欲碎

也賦贈二首即邀輪長同作

席間吟諷打油詩絕愛先生遊戲詞敏捷才華心
是錦飄零歲月鬢如絲無端嬉笑都成涕莫任牢
騷且待時纔得周旋邀鑒賞眼中何處有鍾期

芙蓉江上怨東風未嫁雲英事畧同空有文章傳

太史

謂操選詞
館諸公

幾曾場屋遇宗工華筵顧曲朱顏

老翠袖題詩白髮翁不盡衰遲增感慨西崑才調
若爲雄

正月望後將赴皖江留別輪長

蹭蹬名場百不能行藏畧似打包僧年來習慣蕭

夕陽書屋詩初編卷一

三

閑趣不傍漁燈傍佛燈

飄萍泛梗任西東一棹離愁黯淡中輸與漁洋剛

一半只將殘月伴梢公

一帆遙向冶城開采石鳩茲次第來太白樓頭春

正好清香記得兩株梅

圖成是務費丁寧

數日前爲輪長題是
務圖畧寓止酒之意

莫訝臨岐

我獨醒惜不同君峭帆去吟殘江上數峯青

康禹言別駕招同家東野渭陽兩先生公餞

於玉蘭堂余即於次日入都

年來豪氣識監州縞紵殷勤贈荅稠病久醫方辭

牖下累深金已盡牀頭

余病半載行資爲醫藥費去

繫維今夕

情何厚風雪長途慮更周咸籍一家休戚共尊前
欸欸爲攀留

北上寫懷

風雪衝寒撼敝裘春官上計劇添愁竭來幾度新

花樣回首空慚趙倚樓

辛丑闈卷趙奏功先生呈薦未售此後數科皆擯落

矣

辛若牛衣歲月更臨歧疴瘠可憐生首行興慶知

何日纖手寒燈候藥鑰

余病後登程藥裹行裝皆內人料理

蕭蕭郎罷促征鞍黃口牽衣去住難畢竟前途成

夕陽書屋詩初編卷一

无

底事可教兒女憶長安

前席求才破格新爬羅剔抉出風塵可知茅店雞

聲裏不少欽奇磊砢人

己酉除夕

是日禁門初啟聞少司寇禮南公之訃

長鬚紛逕叩僧扉

時余寓保安僧寺

禁漏無聲擊柝微富

貴何常殘臆盡老成徂謝曙星稀停杯隱几情猶

昨

十日前侍公飲陳以漸侍御宅公王事勤勞席間假寐

投轄留賓事已非

公齋宿公所命玉叔昆仲訂余守歲

鄉曲於公爲後死今宵能不淚

沾衣

夕陽書屋詩初編卷一終

夕陽書屋詩初編卷二

海陽程盛修 風沂

庚戌榜後呈房師邵學址先生

一朝拂拭拜師門刻意憐才古道存豈僅空平惟

白簡聚奎堂聯有袖裏分明惟白簡之句公適以臺臣分校誰能敬慎到黃

昏余殊卷瞻寫糲糊時又薄暮公虞潦草誤僻書

微引洵多愧余判語用事隱僻公以為戒老氣縱橫且勿論關

闕余卷料知老於場屋者撒棘數番言悵惻恐傷遲暮是公孫

填榜時知為鄉科庚子翌日午門謝恩急詢吳觀揚說年齒方壯公則大喜

場後假寓繆澧南少司寇舊宅館選即卜居

夕陽書屋詩初編卷二

於此感而有作

零落羊曇淚暗傾生存華屋若為情非同借廡安

流寓且喜前賢蔭後生在昔敦盤推館閣從茲風

月屬蓬瀛時人漫爾分軒輊無復趨朝呵殿聲

地震雍正八年八月二十九日

崩塌一聲地維折頃刻欹傾萬家室宣武門外橫

街西雷霆乍驚禍尤烈舉頭忽失數仞墻瞥眼已

透三重闥何須更說內外防門已洞開藩已撤轟

轟席捲到貧家兒號妻啼情倉卒數椽本自不堅

牢風雨漂搖非一日紛紛斷井復頽垣處處釘頭

與木屑朝炊未熟火又然比戶延燒由曲突南來
流寓多友生依人借廡纔容膝此番恐嚇不尋常
急往從之心膽裂蠟燭之下幸平安亦有二三嗟
躓蹙雖非爛額或焦頭倉黃俱自泥中出破涕爲
笑君無譁靜極而動何須說人生禍福難預知不
躓於山躓於垤吾皇盛德天佑之細旃廣廈憂
危切小臣怵惕聖躬勞玉宇瓊樓安且吉惻然一
念到官民何以爲家心杌隉大小同霑雨露滋閭
閻得被脂膏溢有古官給半俸民間按戶間架給資一瓴一甍皆
聖恩無分鳩巧而雀拙天心感動地效靈蕩蕩平

平瞻 帝闕

洪東閣同年撫弦圖

援琴動操聲不起弦斷空懸舊焦尾黃門遺挂淚
難收寒夜酸風射眸子自從結悵忒情多雞鳴昧
旦戒無訛同心不織璇璣錦並命誰爲剡移歌夫
婿聲名振京雒文陣熊熊露鋒鏑南北塞旗正妙
年畫眉傅粉都堪樂無端薄宦渡桑乾幽州白日
照人寒鸞曜清操良不易冰蘖同甘卻綺紈翻雲
覆雨夫何有古來貝錦君知否雙親未老逸妻賢
何必勞勞耽五斗晏歲崢嶸暮景催驚颺發發動

疎帷青天碧海漫漫夜翠袖膏鬟渺莫追藁砧情
重杼毫索痛定悲來賦長句哀絲急管難爲聽低
徊如泣復如訴燕山雪後次寥清鑿江烟月浩縱
橫他年兩地傷心處腸斷無聲似有聲

送同年諸庶常隨總憲溧陽史公宣諭陝西
天威震疊西人恐厥角稽首不旋踵吾皇欲以
德服人家習詩書戶姬孔御史大夫惟汝諧望重
青蒲威赤棒此番駿厲且無庸特遣詞臣昇光寵
不矜口舌欺流俗惟以訓辭當戒董多士斷斷奉
矩規居民各各安耕壟父慈子孝敬長官不見催
租來赴隴公門如市亦徒然誰辨賤屨與貴踊凡
茲實效非空言萬民環聽神爲聳歸來奏對明光
宮挽回風俗資仁勇日照潼關四扇開看君牙燾
前驅擁一載書生際會時欽哉莫負君恩重

妻子至京師

拜爵已年餘蕭然賦索居三千游宦路隔歲老親
書眠食今何似平安信有諸送孥知不遠聞命請
徐徐

資斧談何易須知行路難偏驚節候早未信授衣
單老米朝朝慣黃芽頓頓餐壯來風景別不必慮

饑寒

沿途須待聞欲速轉嫌遲疾病憐嬌女驚惶到弱
兒生疎雙赤脚懵懂一長鬚搖蕩風波裏惟憑健
婦持

到來應暢遂何事復淪漣卜葬無佳兆

先王父母未得歸土

娛親少薄田屋曾春漏雨賓可坐留羶種種牽情
處吾心未坦然

俸錢餬八口澹薄足生涯莫道官能富須知客是
家日中頻問價囊底莫教賒搏節方成儉時當檢
畫又

夕陽書屋詩初編卷三

四

壬子八月初九日闈中聞得子之喜即呈張

秉鈞莊書石兩前輩

鎖闈消息不通風好事欣然喜得雄同譜關情緣
大令重門傳語藉端公地當皓月清波裏人在春
蠶食葉中此會三塲正伊始謾言科甲繼而翁

月夜過執莊寓

有酒嫌無客相過只望衡風高秋滿樹蟲聒月三
更與子今宵話同余往日情一般真臭味未可忘
平生

陳髯行示定先

十年上計來京雒髯也矯矯雞羣鶴酒酣耳熱發
狂言舉頭問天何厚薄眼中之人亦同耳胡爲富
貴先騰躍而我浮沉春復秋疲驢破帽長安郭長
安市上多貴人欲往從之心先忤前番榜下網羅
收豨苓亦備籠中藥得尺得寸誰爲之枉過屠門
思大嚼一羶落拓淮海濱恥向人前呼學博三載
低頭首着盤朝餗暮鹽宛如昨依然溷雜風塵卑
何曾教育英才樂此番重復事春明飄零不異風
吹籜青袍簸簸篋雞乾白髮疎疎老安托我聞此
語爲君悲君且無悲我歌作男兒似戟好鬚眉七
尺昂藏胸磊落未必疎慵伴衰冗端可迴翔歸館
閣呼童洗殘更浮君涼月娟娟動宵柝

陳定先領袖南宮旋登狀頭未三月而余詩

驗矣戲作四絕調之

五更聲徹六街頭英妙輪君第一籌傳遍洛陽光
價遠卅年重與說揚州

謂樓村前輩

三載淒涼冷署秋此番高出衆仙儔教官金榜非

難事難在蓬萊最上頭

教官金榜掛名時諺語也

馬上昂藏七尺軀風飄弦管溢通衢捲簾紅粉知

多少盡道鬢鬢頗有鬚

雄姿英發妙初時三十卿材認本師衣鉢相傳作
公輔到來已是十年遲衣園先生以亞卿左遷分校年甫二十九君今已三

十九
矣

陳南垞前輩六十

綺年聲價九重知日影花磚任委蛇一自尊鱸歸

興後玉堂猶唱數篇詩

平泉花石已成墟謂午亭山莊眼底滄桑感慨餘甲子

甫週才力健名山早續未完書

吳懸水先生招同執莊小飲夜話

曾從二仲拜公門公嗣君燕乎和叔係鄉同年此夕登堂聆話

夕陽書屋詩編卷三

六

言吐屬殷勤期遠大文章典重見根源十年望著

三廳久公編檢十年八座情深四簋存公是日陳饋四簋云不敢侈設

用存古意佳話只今留不朽願當弦韋佩無諠

贈佟陶菴前輩余奉君亦奉命總查官學

俯首作經師相看鬢已絲鑿衡非往昔君曾視學江南教

育又今茲天廟瑚璉器薰風殿閣詩官學在宮禁他年

成就處王謝有佳兒

風雅誰同調烟波查翰林謂他山先生平生無密友海

內一知音偃僂恭滋甚公資望已深不欲自居前輩崎嶇慮轉

深蓬山吾已晚猶得接高吟

王臨川夜話

風標憐瘦沈促席更聯牀未改王前傲猶傳酒後
狂十年誤金紫百韻賦姚黃君牡丹百韻極工眼底窮通
理憑誰問彼蒼

九日洪西亭比部招同馬相如陳定先壻紹
聞兒嗣裴陶然亭登高

四海論交地陶然獨此亭值茲黃泛酒幾見歲移
星蘆動翻翻白鴉歸點點青憑高無限意爛醉莫
留醒

唐莪村奉常招飲席間見示趙秋谷前輩詩

夕陽書屋詩編卷二

七

冊輒題其後

天水稱雄日漁洋執耳時風騷非杓鑿門戶起瑕
疵氣盛羣兒奪論高四座卑詩因狂不朽貝錦亦
徒爲

示張介石

君才起甬東賦質自寒瘦文字亦如之苦心恣雕
鏤當其下筆時堅光爲迸透書體善藏筋畫法微
施皺共道屈盤深誰知根底厚方余分校時雙眼
虞區霧同門十八人爾卷徧來後薦士忌逡巡殷
勤施點讀安道深咨嗟餘子光如豆五策更雄深

朗朗釋疑竇先擬冠南英俄作十房首撒棘書君
名東海曾拔秀現赴鴻儒科姓氏明光奏羣議始
幡然深悔從前陋而我與戴君鑒別非紕繆昨朝
執贄來欣喜如宿覲爲言初出場鄉評多雜糅中
有一賞音范太史從律擊節曾三復言得試官明必入
英雄殼太息所見同知己真難邁由此上南宮不
脛聲華驟切勿笑云云掉頭君獨否降心以相從
恐遭按劔又前事有師門五度長安走

敝裘和查他山前輩集中韻

冷落相依未忍捐著來差喜勝披棉曾經冒雪衝
風慣還結遺簪敝履緣豈曰無衣安且燠自他有
耀見猶憐素絲清節終須勵添線停針又一年

時序驚心暗裏知幾曾一腋勝千皮縱非柔毳存
初質莫任逍遙又改爲十載寒宵燈下擁五更殘
漏月中披從茲捫虱增惆悵摸索還應護小疵
詔旨起用舊臣感賦

寰海飛

丹詔中朝播

璽書忽來三殿側同上

五雲居稷契平生志經綸指顧餘鄧林由積累柯
笛藉吹噓一旨終難掩三薰迴莫如涓埃何以報
魚水不教踈金鏡眈初政冰淵慎永譽桑榆收茲

晚那得任軒渠

驢車

也作官人看天街薄笨車識途差遜馬代步不憎
驢力小聊安汝爭先且任渠可無傾覆患憑軾儘
徐徐

香茗優游日行踪與蹇謀奴慵甘附尾官冗不當
頭意外無宣召花間可逗遛還餘詩興健好向灞
橋收

元旦試筆揭家塾

用十二辰體

人生辨志無首鼠汗牛之編壓千古鴻都虎觀富

夕陽書屋詩初編卷二

九

且多兔園冊子真么膺健筆龍文扛百斛塗抹紛
紛總蛇足春風得意馬蹄香紅綾餅餡大官羊沐
猴而冠鄉人恥不脛雞林走萬里名成弗藉狗監
知安能嬉逐牧豬兒

樹燈行爲張南華庶子賦

剪紙作燈燈不俗穠艷何須羨華屋六街三市競
豪華火樹銀花絲管逐昨宵折柬招友朋入室燐
然照幽谷老樹槎牙數十株一枝一幹燈相續梢
頭纖月白紛紛曙後疎星明煜煜高高下下巧安
排整整斜斜無窘束其中更有接葉亭亭間四面

光環簇到來俱是澹蕩人並坐橫肱不嫌促興酣
落筆擘瑤箋燭影搖紅晃心目豈無繒綵耀千棚
亦有魚龍呈百族掉頭不顧繁華空冷醉閒吟此
間足茆舍疎籬是玉堂清操不讓前賢獨更闌燈
炮鼓三通銀蟾朗映天如沐雪消冰泮待陽春歸
途不復寒生粟明朝擬作樹燈行取白浮君一披
讀

淘渠

京師二三月尺符下冬官千門與萬戶朝夕夫役
攢淘取溝中惡到處淤泥蟠一派華陽色蒸觸來

夕陽書屋詩初編卷三

十

鼻端頓忘衢路濶誰云眼界寬舉趾愁陷溺失足
生波瀾吟苦將衝島大笑或墜搏擔夫并販豎一
一行蹣跚最苦是委巷偏側轉移難嗔嗔車脫輻
蕭蕭馬離鞍簪履遺道路顛倒任衣冠佇望所司
賢徑術復舊觀而乃故淹滯不令罅隙完春來花
事好郊原取次看同志五六人下直約盤桓沉吟
惡未盡逡巡興已闌含垢量雖大去污力必殫王
道坦蕩蕩勿受緇塵干

黃山僧廩峯余聞而未識也丙辰春畫天都

一峯見貽題詩其上寓傾倒之意時山僧

有在京師者奔走要津迄不一顧感而書
此用寄廩公

拈取黃山一峯秀千里揮毫寄冷官任他方外營
營者一瓶一鉢走長安長安公卿尚聲氣釋子何
當懷漫刺本來面目已全非空說詩文兼繪事公
之嗜好與衆殊筆牀茶竈深山居暫游郊墅尋舊
隱亦耽涉獵觀儒書數尺鴛溪興所託觸手雲烟
恣盤礴拳山勺水多乎哉包孕千岩與萬壑慚愧
平生未識公軟紅十丈抗塵容殷勤領取圖中意
呼吸帝座鏗鯨鐘何時陟彼最高峯青鞋布襪披
蒙茸師乎師乎好相從那用求仙訪赤松

名陽書屋詩初編卷三

十一

徐魯南前輩赴召來京猥蒙枉顧卻贈一首

鍾吾徵宿老已及渭濱年閩海淵源接平原體勢
全忘形託杯酒往事空雲烟咫尺橋山路臨風一
惘然

時念及景州
座主於泰陵

讀葦間集五燈咏戲和其體

暫爾息羣動黃昏剩此身寥寥空抱影碌碌慣依
人客久眠餐損宵深僮僕親玉蟲欣有兆應得夢

家頻

客燈

傍岸數聲櫓停帆入望遲每當返照後乍見獨明

時風雪孤篷語關山行路詩倘逢商婦宴添酒豁

心期

舟燈

大千曾普照一盞傍梅檀趺坐安心久疎鐘出影
寒孤懸常耿耿長夜任漫漫不羨銀缸擁團圍笑

語看

佛燈

三餘勤不倦繼晷在窮經短檠羞珠翠深情照汗
青鑽研光炯炯排纂髮星星何物添豪興還須藉

深醺

書燈

遠火映遙空烟村四望通星垂籬落外螢亂薜蘿
中客路三千里歸心一點紅寒砧并刀尺兩兩伴

鳴蟲

村燈

夕陽書屋詩初編卷二

十一

題中州師黃山賦後

天生名句狀名山四庫紛綸浩且繁誰將腕底千
鈞力收拾烟雲卷軸間吾師與博隱於釋愛此黃
山來卓錫三十六峰峴巖踏遍丹崖與翠壁其
中氣象雄萬千大含細入別有天松石花鳥都奇
絕雲海瀑布相迴旋好景真難更僕數三千餘年
上下古杼軸予懷自運斤短長盈縮無齟齬吁嗟
乎黃山之奇天下聞茲賦縷縷傳其真三都兩京
富才藻安能借手於古人我今諷誦不去口諸子

圖誌夫何有幾曾濟勝遊黃山今番夢到峯前後
呼吸帝座有斯才落筆神來面目開吾師在焉呼
欲出飄飄凌雲之氣滿丹臺

怡園

相違不數武縱步好園林近市紅塵少遙山黛色
侵般倂微自遠花石妙從心徧直時多暇高軒日
共臨千章涼樹底萬卷擁墻陰照眼漣漪水當頭
睨皖音烏衣成代謝華屋竟銷沉牧笛牛羊下樵
柯草木深問奇來已晚感舊思難禁六十年間事
憑誰話古今

夕陽書屋詩初編卷二

三

消寒四咏

李和傳燭栗遺法尚如斯入夜求偏得停杯覓未
遲輕圓方袖手軟熟又當時笑佐燈前興餘波及
小兒炒栗

不數銀絲膾南烹壓食單最憐冰作柱那得玉爲
盤漑釜因人熱弛擔入市謹羹湯纖手過今夕定
加餐冰鮮

黃芽鍾壯地菜品冠諸蔬脆以經鹽後香生入甕
初膨脗資薄噉醅酹待潛除狼藉杯盃盃會頻頻問

有餘

醃菹

已過持螯與金膏入饌來雌黃餘瀋在風味晚樽
開杭稻生前夢糟醅身後栽尚須停七箸嗟爾縱
橫才 醉蟹

送邵學址先生巡撫江蘇

東南黎甿 帝所眷吾師秉節本 宸衷樹之風
聲到吳會江花江草遲旌幢此邦財賦甲天下室
家完美倉廩豐民動如烟歸如水惟其賢也方景
從 仁廟教養六十載與民休息戶可封亦越
憲皇加駿庸小廉大法紀綱崇斗米三錢刑罰措
康衢鼓腹龐眉翁吾 皇纘承熙洽治勵精宵旰

名陽書屋詩初編卷二

十四

達明聰特簡舊學膺岳牧爲茲半壁開幘幪曾聞
清淨斯寧一抑或噢咻鮮怨恫桑麻樹畜勤本務
漸摩陶淑無近功先生讀書破萬卷不負所學欣
遭逢如此酬知大且遠簿書期會徒倥偬腐儒拘
墟閤於事議論躡駁生異同蘇州俗尚誇繁富錢
刀幣帛市廛充錦纜牙檣飛畫舫金樽檀板艷歌
童縱然侈靡傷物力亦復衣食資彌縫若輩游手
當恒業如商百貨工考工耰鋤襍非習慣安能
一一驅爲農逆將展轉成溝瘠甚者鋌走滋隴叟
請公塞耳勿妄聽和平正大無偏攻但得良法美

意宣德化何妨朝朝暮暮絲管醉春風時有巨公欲折毀酒
船及驅優伶爲農者故及之

禁烟謠

種二項葉菀二項田田多得穀葉好得錢
而今而後剪葉除根式闢爾田以遺子孫
詔下公卿唯唯否否事不果行烟猶在口
馬後奚童各攜烟具我生之初斯須未去

禁酒謠

朝上東華暮出東華風其吹女無酒可賒
吾儕小人那知挾纊三杯到臍其暖盍盍

夕陽書屋詩初編卷二

五

尺符早下吏胥蜂起匪徒吏胥酒家歡喜
其喜維何禁酒酒貴但聞價高不見人醉

徐澂齋前輩話舊卻贈

早有鬚眉驚海外亦曾姓字滿寰中誰人不道徐
公美底事空悲韓愈窮日影三朝丹鳳側漏聲五
夜蹇驢中通日京僚多載驢車眼前薪積何須說喜得恩

綸與舊同時奉旨編檢資俸深者遵照舊例挨次理轉

冰牀

破曉晶光照眼明飛輪搖曳御風輕波間得路銀
濤捲足底無聲雪浪平人自戰兢歸坦道地於滑

澤且徐行元龍此日寧區別一任兒童嘯太清

輓邵學址先生

忽騎箕尾去堂堂拜疏曾無八百桑一代清名歸

甬上萬家遺愛哭滄浪滄浪亭傍撫署狂瀾欲障心徒切

大雅難扶願未償記得與公話疇曩早知前識在

封疆公爲少宰時言幼年夢以解元歷官翰林御史及少司馬而終今其言不驗及改撫江蘇

換少司馬銜

客有爲八老咏者余於梨園中見年臻八旬

尚登場傳粉墨戲增老優得九首

老將

夕陽書屋詩初編卷二

六

據鞍顧盼竟何如龍馬精神信有諸剪棘除荆人

漸少梳風掠雨境全虛那堪刀筆繩文吏詎可清

涼託蹇驢羨爾良家適際好封侯拜爵太平餘

老儒

一生坎壈蠹魚中飽歷壑鹽守固窮無復桑榆收

暮景幾曾薦裝報年豐頻經拂拭毫先禿屢試機

梭樣不同多少金閨名貴客羊車早見是兒童

老客

不戀燈前一笑譁常將踪跡滯天涯綠波春草年

年別漁火禪燈處處家忙裏峰巒青可惜暗中鬢

髮白潛加輕離重利由來慣曾有腰纏十萬耶

老僧

煩惱空時境已過一菴高臥病維摩半生行腳鉢
垂老千里尋師山見多缸面酒邊人巧賺長明燈
下客來歌風旛妙諦曾無著耆臘於今悟得麼

老僕

一生事主逼衰殘僅約年華逝水看遭遇何常甘
苦共愛憎無定笑啼難竭來後進機偏巧說到先
時齒亦寒與博倘能知穎士定教老不起波瀾

老妓

夕陽書屋詩初編卷二

十七

駢闐車馬竟何之徙倚門前空自疑膏沐悔當春
去後金錢難受色衰時鴛衾暖送檀郎夢鸞鏡愁
添侍女知不遇多情白司馬天涯流落訴伊誰

老兵

慷慨平生古戰場空餘九尺鬢毛蒼夢中金鼓心
猶熱臂上瘡痍恥未忘間散謾教嘲內翰謳吟還
與驥阿房憑君莫話從軍事點檢兜鍪泣數行

老吏

用盡機關破混茫何須磔鼠說張湯令公喜怒情
多中任爾縱橫勢莫當似鶩幾曾甘紙尾如神難

與測偏旁思賢舊學家慣位置居然號老蒼

老優

落花時節李龜年邂逅相逢酒琖邊
抗墜猶聞歌纍纍輕儇已失態
娟娟傳來譜序仍諧俗剩到鬚眉也
取憐誰向當場溯開寶白頭賓客各
凄然

題同年吳冠山太史靜觀圖

峯迴境轉紆境僻人逾靜想見月高時
吟殘琅玕影

起 山色落杯中湖光射窗底獨坐數歸帆
隱隱漁歌

名陽書屋詩初編卷二

十六

韻 烟霞涉筆生蠟壑起方寸滿眼輞川詩
悠然具神

裏 篁南五里遙鐘聲渡溪水一種故鄉思
落落君圖畫

題侯若木比部蕩花園

景 風起灑紋生檻外吹紅影一陣蕩花香
幽人愜清

許 四角敞虛空荷天淨無暑剝啄未來時
吾心澹如

梁溪烟水鄉川光任沿沂畫舫異時過爲指荷開

處

送謝梅莊前輩之湖南糧驛道任

時具摺養
親請改官

佐貳蒙 恩
特用監司

寸草關心切循陔樂事完但能依老母不復薄卑
官 聖德含容大臣躬報稱難勿言丹陛遠舉首
是長安

十載羈邊塞 君恩湔被初文章憂患後志氣警
醒餘豈復圖温飽何當厭簿書虛聲從古誚端藉
使君除

涼篷

夕陽書屋詩初編卷二

九

簾篠幾面出房櫳一霎涼生溽暑中日轉方隅資
障蔽風生肘腋見玲瓏東西不外推移巧高下全
憑線索工待得卷舒天宇濶依然明月湧晴空

因樹樓為洪軾澄賦

軾澄祖母馬太君若節
撫孤曾於樓前植杏一

株課諸孫誦讀及太君棄世樓傾花萎軾
澄尊人頰齋不忘其親重構茲樓花亦旋

發同人
賦詩

數椽突兀海之濱三匝啼烏涕淚新瞻望母兮惟
有樹登斯樓也豈無因重看蔽芾貽孫子說到漂
搖憶苦辛奕葉清芬垂不朽褒揚久已遍騷人

陳定先殿撰冊封安南

自是陳驚座才名貫九州今番臨象郡宿望重瀛洲
火樹無勞貢丹砂不下求 聖朝文德遠仍藉使臣修

五載親衡宇君爲萬里行經綸從此卜離別若爲情異域馴于羽天威仰旆旌歸裝何所載編集句還成

哭外舅何省齋先生

人生貴知己只在一言始歎彼世間人肉眼紛紛是當其處約時鮮不遭笑訾憶昔髫鬢年門戶涼於水老屋風雨中生涯鉛槧裏皤皤白髮翁舌耕

夕陽書屋詩初編卷二

二

餬食指老則競椰榆貧易生骯髒而我復踈狂性不拘尺咫鄉老一二輩欣賞塵埃底

謂杜海樹團雲蔚兩先生

餘者相譏嘲屏棄如脫屣公獨暗品題謂是璠璣

美以其子妻之外論騰騰起密州或病窮參軍或

嫌鄙曠達或憎臯詼諧或謂李公曰其試哉掉舌

胡爲爾落筆聲摩空文成未移晷千鈞評自佳九

霄望非侈

公是日批余文有力舉千鈞氣騰雲漢之語

遂爾締朱陳玉

樹蒹葭倚踰年弟子員公則驟然喜泱歲登賢書

爲山一簣耳誰知復速遭奔走無時已弔古正平

洲訪友侯嬴里齊魯山重重吳越波瀾瀾南北幾

寒暄饑驅奉甘旨毛禿硯復穿方貴洛陽紙特達
荷 兩朝自問殊不揣回思作噩冬五叩長安市
拜別上公車相送河之浹公意殊蒼茫揮手行復
止情景尚依然又是十年矣來年公八十矍鑠健
腰膂我父亦古稀私擬陳玉帛扁舟過邗溝庶幾
親杖履重展渭陽情再得津梁故胡天不慙遺竟
令哲人萎公名只膠庠公迹終蓬壑公居纔一廛
公食無四簋陶甃勤朝夕晏裘閱星紀清節媿古
人儉德貽孫子斯槩不暇陳余懷別有以長號淚
不收人生貴知己

夕陽書屋詩初編卷二

三

馬相如中翰出三十年前小照索題

一編花下絕風塵卅載回頭認假真跋扈飛揚今
在否眼中人說畫中人

唱遍黃河遠上詞怎教櫂散鬢如絲人生容易傷
遲暮對酒當歌彼一時

懷張乾夫

時以孝廉補福
建鹽庫大使

閒官只合辦吟詩掃徑焚香替左司闢得南坪三
畝地綠榕風起月來時

滿韞塵土 帝城邊暫結南天矮屋綠日噉荔枝

三百顆坡公也應人說更如仙

宦味何須較淺深詞曾種種負初心時庶常散館山光

左右開旗鼓拄笏輸君仔細吟

清簟疎簾茗碗俱生綃水墨破工夫迂癡畫本臨

多少寄我三山疊嶂圖君善繪事

送管配寧楊峙堂兩庶常假歸

玉堂鈴索響丁東二妙翩然予告同中秘圖書

傳太史江山文藻憶羣公謂同鄉館閣諸前輩紫霄夢遠孤

篷雨黃葉聲酣落帽風重陽節後啟行到處逢迎知不少

新詩早付北來鴻

吳方岳檢討移居

名書屋詩初編卷二

三

誰能安獲比巢鳩只愛清閑屏市湫日短正當馳

北陸地偏今已住東頭弓廬恰受吟詩侶斗酒行

將與婦謀君挈眷將到只有季方嗟寂寞思君室遠倍

添愁謂又枚

糠粃謬託忘年契下直過從咫尺餘學道俱慚成

佛後余蹟公車十載先生倍之論心何異對門居客塗老馬諳

三里君新居隔一門家具藏書約幾車可許羊求情似舊

花開月滿一招余

馬相如中翰假旋

九載滯京城吾偏愛馬卿風騷傳正始樽酒說殘

更道直謀生拙官閑 予告輕消魂橋畔路惆悵
若爲情

送傅嘉言赴奉天少尹任

朝伏青蒲撼九闈筆不可奪舌尚存煉成媧皇石
五色赤手欲補天無痕班讜汲戇古所重國家倚
賴惟直言餘子姍笑徒復爾爲民痛哭陳煩寃
帝心簡在根本地山川日月相吐吞王氣鍾祥風
俗好頑者能廉薄者敦此間足樂君無躁牙籤萬
軸窮崑崙諸生斷斷歸講席大漠如坐春風暄足
音倘復有區冊相與觴咏忘晨昏

夕陽書屋詩初編卷二

三

贈石東村

只愛青山不愛名蕭然心跡淡孤清夢田禽語兼
泉語吟到松聲與唄聲晚節漸空文字障曾焚棄
平生詩
稿歲寒不替久要盟與鹽山李薦
君爲金石交年來麗澤資談
藝未許予懷鄙吝生

題張淑紫大令尊人松巖侍御請毀魏忠賢

碑疏後

講堂傾覆生祠起黃芝妖發忠臣死委鬼當朝秉
太阿撰德銘功皆義子身後纔膏斧鉞誅招魂尚
厠西山趾峻宇繚牆金碧輝跨阡越陌規模侈大

書深刻列姓名碑碣崢嶸霄漢時遂令穢塚留人
間行者唾罵山靈恥我公奉命巡京圻白簡風生
陳玉祀上言巨慙惡滔天墓門私擬王侯禮明政
不綱未剗除光天化日寧容此下言憲典炳日星
痺惡須從近侍始俾知孽不保壟邱極人凶惡無
全理 九重駿厲奮乾威聽受公言契公指狐兔
屏跡羊馬傾自是川巖滌瘡痍三十五忠洵偉人
勁節剛腸直如矢精爽誰不薦馨香剪拜猶當護
松梓諸公凜凜千載生轉眼誰憐奸魄褫此番不
僅儆刑餘三復封章願有泚土偶衣冠莫謾狂更

名陽書屋詩初編卷一

五

有仁和沈御史

王振像留智化寺沈君廷芳特疏毀之

過閩四首

乘風方鼓棹束水忽當門不信簿兵賤幾忘牖吏
尊滔滔盈白晝滾滾開黃昏前後遙相望牽連擾
夢魂

砭訇無已勢邪許幾多人直以虛能奪方知險是
真毫釐爭避就篙檝見精神曾是吳兒慣從茲且
勿論

去來分順逆啟閉互虧盈石勢兼風勢鉦聲雜語
聲連檣多士女接迹到公卿天下勞勞者何曾心

暗驚

濟運資河潤糧艘上下頻憑高思壓小黃夜更驕
人掉尾夫何敢當頭早見嗔此間逢要害能不少
逡巡

輓張南華宮詹

敏捷清才荷主知 奎章親和數篇詩緣何拜疏

辭天日已是修文入地時香案尚期趨直早上於君

陛辭日親洒宸翰有香案須供奉休就五柳居之句扁舟翻悔到家遲松楸

遙睇成虛願華表空傳鶴語悲君乞假省墓

曾隨簪筆侍承明瀟灑偏多世外情君侍直圓明園即乘便往

名陽書屋詩初編卷一

三五

游西山等勝間鈴索吏喧呼學士花磚影過待清

遇傳宣不至 卿掉頭只愛名山好又手爭看警句成宣到命詩頃刻而成

自是大羅仙骨異風騷端許壓蓬瀛

諤諤風生殿閣寒君於秋審每獨抒所見宮僚原不是閒官

自饒湖海元龍氣莫作詼諧曼倩看率性幾曾苛

禮數平心何處起波瀾圍棋作畫都清絕也共勾

留到夜闌

陶然亭畔柳穆穆祖道正當三月三帆影方將辭

薊北山光猶未望江南君卒於臨清舟中廟堂動色思前

席君遺本進呈上召屬衣園副憲沈歸愚學士嗟歎久之朋舊吞聲憶盍簪

最苦吟魂招不得十年同調愧驂驥

贈皖撫陳可齋中丞

鈴索喧呼入紫宸 天顏有喜鑑衡真誰知香茗
優游客已兆封疆簡在人一榜同年多屬吏兩闈
座主是州民他才自愧遭逢別空羨蓬萊去後春

君試翰林時余
已改官西臺

哭大女五首

嗟爾生時值旅遊 舊害偏貽母氏憂十歲相攜入
京邸燈前婉孌慰余愁回思往事吞聲哭三年無
乳裹汝腹襁褓伶俜惟飼粥

夕陽書屋詩初編卷二

五

記得初時比案長肌肉玉雪神清揚箴管線續功
位置學母不至心徬徨冷落一官同淡薄朝壘暮
鹽儼如昨分甘尚說貧而樂

十載追隨風雅親紙窗竹屋無纖塵愛汝雙瞳剪
秋水硯北含毫做洛神機警由來多穎悟東壁西
清語掌故誰知反被聰明誤

夫家中落瓶早罄儼然以疋婿復病年少相莊無
怨尤鑪鑪井臼安於命昨宵一陣黑罡風溘先朝
露辭其雄夜臺不于心忡忡

杜蘭香降事有無去來踪跡是仙乎現相分明成

解脫光景似與常人殊

女屬纏時雙手持訣異香數日不散

回頭恰

見呱呱泣爾獨何爲不悽惻殷勤爲爾護弱息

飛蛾

願爾安無躁忘軀恐未宜望光嫌後至及熱得先
知轟烈無常勢燔焦只片時么麼渾不悟趨趨竟
何之

夤夜紛紛至縱橫冒險來殘膏雖足戀抱火亦堪
哀妄動無全理姑徐免後災寂寥天宇濶任運且
徘徊

繆香令五十

夕陽書屋詩初編卷二

三

北郭過從日游歌歷歲年落花逢好景坐月見初
圓湖蟹經秋美江鮒出網鮮豪情那復爾能不重
流連

朝論符公望騷壇亦我師風流餘教吐法從憶鬢

眉

尊先人以詞曹改補垣中余亦步公後塵

北海樽無綠中郎鬢已絲

遺編追手澤點檢未雕詩

時有餘園詩鈔之刻

煖炕

燕寢凝香自在身寒宵形影劇相親謾言炙手宜
高枕不道薰天等厝薪帳底羊羔杯送煖燈前兒
女笑生春可能安煖家家足衽席還須念憚人

拮据寧辭瑾塞煩貧家寢息此間存馳驅早得雙
跌穩婦子同爲一體温入夜星辰疑到枕侵晨錫
粥已當門莫嫌斗室陽和少炙背迎暄取次論

送竈

厨門豐祀典年例萬方同奉職饗殮裏酬庸醉飽
中短長付啞啞禍福托癡聾芻牧家家辦雲車起
碧空

迎竈

按轡疑風雨飄然下九重乞來新利市還仗舊包
容婢子諳情性家人化吉凶年華今復始瞬息到

殘冬

夕陽書屋詩初編卷三

三

12272

夕陽書屋詩初編卷二終

